



**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Relacións Exteriores  
e coa Unión Europea



## Contexto

A Dirección Xeral de Relacións Exteriores e coa UE da Xunta de Galicia está a impulsar neste primeiro cuadrimestre do ano 2018 o proceso de planificación estratéxica participativa para a elaboración do IV Plan Director da Cooperación Galega (2018-2021).

Este proceso desenvolverase consonte ao previsto na Lei 3/2003, do 19 de xuño, de cooperación para o desenvolvemento que establece no seu artigo 9 relativo á planificación da cooperación para o desenvolvemento:

*“1. A cooperación galega para o desenvolvemento artículase a través de plans directores cuadrienais e de plans anuais. 2. Os plans directores serán aprobados polo Parlamento de Galicia por proposta do Consello da Xunta de Galicia, co informe previo do Consello Galego de Cooperación para o Desenvolvemento. Os devanditos plans elaboraranse de acordo coas liñas xerais e as directrices establecidas no Plan director da cooperación para o desenvolvemento do Estado español previsto no artigo 8.2 da Lei 23/1998, do 7 de xullo, e conterán os obxectivos e as prioridades, xeográficas e sectoriais, así como os recursos orzamentarios que orientarán a actuación da cooperación galega para o desenvolvemento durante o seu período de vixencia.”*

## Etapas do proceso de planificación

Corresponde á Dirección Xeral de Relacións Exteriores e coa UE integrada na Consellería de Presidencia, Administracións Públicas e Xustiza, como centro directivo competente en materia de cooperación ao desenvolvemento, “a elaboración e o seguimento do plan director e dos plans anuais de cooperación para o desenvolvemento” (art. 19.1.a).

A Dirección Xeral encomendou a facilitación técnica do proceso a Xosé Luís Pastoriza Rozas, consultor galego, experto en cooperación para o desenvolvemento, e responsable, á súa vez, do proceso de avaliación externa final do III Plan Director da Cooperación Galega (2014-2017).

Entre febreiro e marzo de 2018 abriuse un proceso de consultas cos axentes galegos de cooperación a través de xuntanzas grupais e entrevistas, cuestionario on-line. De vez, habilitouse o correo electrónico [plandirectorgalicia@outlook.es](mailto:plandirectorgalicia@outlook.es) para que os axentes de cooperación e cidadanía en xeral realizasen as súas achegas tanto ao documento marco do IV Plan Director da Cooperación Galega (2018-2021) como ao borrador da avaliación final do III Plan Director da Cooperación Galega (2014-2017).

O día 23 de marzo de 2018 será presentado o borrador do IV Plan Director nunha xuntanza pública cos axentes de cooperación, abríndose un período de consultas até o 10 de abril para a recepción de achegas, suxestións e melloras do borrador. Se ten interese en asistir, rogamos confirme a súa asistencia nos contactos facilitados máis abaixo.

A formulación do anteproxecto de IV Plan Director será presentado ante o Consello Galego de Cooperación para o Desenvolvemento, que ten atribuído como función o “emitir informe sobre a proposta dos plans directores e dos plans anuais de cooperación para o desenvolvemento, (art. 22.3.b). Esta xuntanza está prevista ser celebrada o 18 de abril de 2018.



**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Relacións Exteriores  
e coa Unión Europea



Posteriormente, a proposta de IV Plan Director informado polo CONGACODE será remitido ao Consello da Xunta de Galicia para “aproba-la proposta do Plan director de cooperación para o desenvolvemento, logo do informe do Consello Galego de Cooperación para o Desenvolvemento, e remitirla ó Parlamento de Galicia para a súa aprobación. (art. 16.1.a).

Finalmente, o Parlamento de Galicia ten atribuída a competencia de aprobar o do Plan director de cooperación para o desenvolvemento da Comunidade Autónoma de Galicia (art. 15.1) a través de debate parlamentaria na Comisión Institucional, de Administración Xeral, Xustiza e Interior.

## **Participación cidadá e transparencia**

Na páxina web da Cooperación Galega ponse a disposición dos axentes de cooperación e da cidadanía este espazo de información e participación para incrementar a transparencia do proceso, co fin de que todas aquelas persoas ou entidades interesadas poidan coñecer os avances e facer as súas achegas.

Neste espazo poden consultar todos os documentos xerados neste proceso.

Poden realizar as súas achegas a este proceso de participación a través do email [plandirectorgalicia@outlook.es](mailto:plandirectorgalicia@outlook.es) ou ben participando nas xuntanzas que se convoquen a tal efecto. En caso de estar interesado en participar ou recibir máis información pode solicitar unha entrevista nos seguintes contactos:

- Xosé L. Pastoriza Rozas. Asistencia técnica externa. Tfno: 606 252 439; email: [plandirectorgalicia@outlook.es](mailto:plandirectorgalicia@outlook.es)

- Guillermo C. Otero Piñeyro-Maseda. Xefe do Servizo de Formación e Coordinación Institucional da Cooperación para o Desenvolvemento. Tfno: 981 541 021; email: [guillermo.otero.pineiro-maseda@xunta.es](mailto:guillermo.otero.pineiro-maseda@xunta.es)